



Tq'ob' Kawb'il
||-|0:|

Kawb'il tib'aj

Yajb'il Qya/Xu'j, Sb'uyb'il ex Etzb'il xjal

Kawb'il tib'aj Yajb'il Qya/ Xu'j, Sb'uyb'il ex Etzb'il xjal



Tq'ob' Kawb'il :: – | 0 ::



TU'NPATZA'N:

Qu'n a Ttxu Kaw'il twitz tnam Paxil tq'uma'n
ex txq'uqin ajo toklen qchwinqilal; tmoyin,
tkaqil junjun xim mya' b'a'n ti'j qchwinqilal,
tu'n t-xitin ma qa jun yajb'il xmilal, nab'il, tten
qxmilal ma qa xmayb'il; ex taq'un Tnam Paxil
tu'n tb'inchet ajo ex tu'n tnimit ajo kyokln xjal,
tu'n kyten xjal toj jun tzaqpib'il ex qe junjun
kawb'il onb'il kye xjal, ex tu'n tb'inchet ajo
junjun tumel tu'n tmoyit, tnajset ex tu'n tchjet
il tib'aj tixti' jun yajb'il kye k'wal, txin, ku'xin,
qya/xu'j, junjun xjal ex kye tij xjal.

TU'NPATZA'N:

Qu'n a Tnam Paxil, oje kub' tka'yin jun tumel tu'n tmoyit, tmaqet ex tu'n tchjet aju yajb'il winaq, tze'nxix aju kyi'j qya/xu'j ex kyi'j k'wal, ze'n tku'x toj u'j b'inja'n kyu'n junjun nimaq tnam tib'aj yajb'il xjal, qu'n aju t-xim u'j lu', tu'n tmoyit ex tu'n taq'unet aju maqb'il yajb'il winaq, toj tumel xim qa ilti'j tu'n taq'unet kywitz junjun nimaq tnam ja ntzaj qeya, ja taya tb'eyil ex ja npon b'aja ex tu'ntzun taq'unet tumel tu'n moyet yajb'il lu ex tu'n tkub' kychjo'n xjal aqe nchi yajil ex tu'n kolit winaq yajinqe, toj tumel kyoklen b'inja'n twitz junjun nimaq tnam.

TU'NPATZA'N:

Qu'n a Tnam Paxil oje kub' tka'yin, toj junjuntl tumel, aqe junjun u'j b'inja'n kyu'n junjun nimaq tnam ex aqe tzun lu: Mujb'il xim :: kye K'loj aq'unal ktwitz kywitznimaq Tnam tib'aj "moyb'il aqe junjun mya' b'a'nxix aq'untl kye k'wal ex aju jyob'il tumel tu'n tkub' naj taq'wux aq'untl lu", Mujb'il xim kye k'loj aq'unal kywitz nimaq tnam toj tajlal · :: ex ||, se'nqe " Ch'ux aq'untl ex ilti'j" ex "aju mya' b'a'n toklen kuw aq'untl", "aju tumel toj tb'anil b'inja'n toj mujb'il xim kyib'aj kyoklen k'wal, tu'n mix chi k'ayita, tu'n min chi ajb'ena te yajb'il ex tu'n min chi yek'ina kyxmilal kywitz xjal", junjun xim taq'un qtanam tu'n tb'inchet ex tu'n kyaq'unet.

TU'NPATZA'N:

Qu'n ilti'j tu'n tb'inchet jun kawb'il tu'n tmoyit aju yajb'il winaq toj junjun tumel, se'n toj junjuntl il lu:k'ayb'il t-xmilal winaq, aq'unal, ajb'eb'il, yajb'il, cheq'b'il ti'j mejib'il, k'ayb'il qxmilal, peyil ma qa juntl tumel yajb'il, b'inha'nqe te il toj kawb'il kywitz nimaq tnam; qu'ntzun ilti'j kyaq'unet ex nojqelin junjun aq'unb'il tu'n kyb'ant twitz kawb'il, xq'uqil ex twitz tnam, kyu'n junjun ttux jaxtisb'il ex junjuntl kl'oj xjal nchi aq'unan twitz tnam tib'aj il.

TU'NPATZA'N:

Qu'n a Tnam Paxil oje kub' tka'yin, aju mujb'il xim kyib'aj kyoklen k'wal ex in ojqelin tu'n kyajb'en twitz tnam kyu'n qwinaqil tu'n tok toklen aju kolb'il kye k'wal ex kye ku'xin tib'aj yajb'il ex b'iyb'il; ex tu'ntzun aju kawb'il tib'aj B'a'n Kolb'il kye k'wal ex kye keu'xin.

TU'NPATZA'N:

Qu'n aju Tu'jil chojb'il il at toklen jali'n mixtit'x
nb'ant tkolin kyi'j kyoklen k'wal, qu'ntzuin in
ojqelin tu'n tb'inchet juntl tumel toj tb'anil
aju kwab'il tib'aj tz'eyzb'il witzb'aj, tu'n tb'ant
jun junjun tumel kawb'il tib'aj kolb'il k'wal toj
tumel b'anxix.

IKYTZUN TTENJO

Toj tb'incha'njztoklen aq'untl in tq'uma'n toj
tumel a) toj tajlal Totx'il ::||| toj Ttxu Kawb'il
te Tnam Paxil,

NKUB'TB'INCHA'N:

Ajo lu':
KAWB'IL TIB'AJ YAJB'IL QYA/
XU'J, SB'UL EX ETZB'IL XJAL

TNEJIL TNEJ

KYXILEN

Tnejil Totx'il. T-xim Kawb'il. Twitz t-xim kawb'il at tu'n tmoyin, tu'n tzyet, tu'n tchojin ex tu'n tkub' naj yajb'il qxmilal, qu'n aju yajb'il ex aju sb'uyb'il xjal, tu'n kolit ex tu'n kyonit aqe xjal ma toq chi kub' sb'un ex tu'n kyb'inchet yajb'in y ex qe taq'wux xim b'inchanqe.

Tkab' Totx'il. Qe t-xilen. T-xilenqe kawb'il aqe lu:

- a. Eyb'il yol: ntjpun ttzi ex qe kyxjalil winaq yajinqe nim tq'uma'n ex tkyaqil junjun tumel il ma til tojxix tq'ijlal.
- b'. B'a'n kolb'il: kaqil xjal ma toq chi kub' yajin, kxel q'o'n jun koljb'il kye ex toj junxiti tumel tu'n tb'ant kyten toj jun b'a'n kolb'il ex tu'n tten kyoklen toj tb'anil.
- c. Mla'y kub' yajit t-xim: toj tumel tq'uma'n kawb'il lu, mla'y t-xi' b'inchet junjun xim qa ma pon yajilte t-ximilal xjal ma qa aju toklen tnab'il.
- d. Nimin t-xim q'a ma txin: tkyaqil aq'untl ma b'inchet kyu'kil k'wal b'o'tzx kyab'q'il, ilti'j tu'n t-xi' b'iyit aju kyim nim toklen, tu'n tten toj jun b'a'n chwinqilal twitz qtanam qu'n tu'n tch'iy toklen toj tb'anil ex tu'n t-xi' b'iyit aju t-xim tib'aj tchwinqilal, tu'n tok toklen k'wal twitz kawb'il.
- e. Mya'l tz'ik'in: tkyaqil xjal ma toq kub' yajin min toklen aj tb'inchet aq'untl tib'aj onb'ilte, b'anqa tiwtz tz'ey witzb'aj ma qa twitz onb'ilte, b'anqa se'nku t-xilen t-xmilal, tab'q'i, t-xim, ttanam, ma qa tu'n junjuntl tumel.

- f. **Toklen tu'n tyolin:** aqe junjun tumel ex kyxim xjal aqe yajinqe, ilti'j tu'n kyxi' b'in ex kyok toj tajlal tu'ntzun t-xi' b'inch'a'n jun aq'untl tib'aj tu'nmix kub'a sb'una. Qu'n oje chi b'inchet junjun tumel tu'n tok toklen t-xim toj tumel tab'q'i ex toklen t-xim.
- g. **Nimb'il twitz t-xilen anq'ib'il:** in nimit toklentanq'ib'il xjal ma toq kub' sb'un, aj t-xi' qanit te xjal lu, se'n tumel xb'aj b'iyona, tu'n tb'ant tonin toj tumel b'inch'a'n tu'n kawb'il.
- h. **Tqanil:** aqe xjal ma toq chi kub' yajin at amb'il tu'n t-xi' kyqanin tqanil kyoklen, ex tumel amb'il b'a'n tu'n t-xi' q'o'n kye. Tqanil tib'aj aq'untl tu'n kyjpet tuja ex tu'n tjyet kyman ex tumel chwinqilal at toj kytanam ja' ma chi tzaja.
- i. **Xim tib'aj chwinqilal:** kyeqe xjal ma toq chi kub' yajin ok chi xel q'o'm junjun tumel tu'n tb'ant aju kyim tib'aj kychwinqilal, toj tumel tu'n tiky' tna'l aju yajb'inkye ex tu'n tpoq'chaj kyxim tu'n tb'ant kychwinqilal toj tb'anil.
- j. **Ojqelb'il:** aqe tumel onb'il b'inch'a'nqe toj kawb'il lu, ilti'j tu'n kyojqelit ex tu'n tok kyoklen tib'aj onb'il xjal.
- k. **Ka'yb'il ab'q'i:** qa mixti' xb'ant tka'yit tab'q'i xjal yajin ma qa mya'xix b'a'n tumel ma junxitl tumel at toj tu'j, qa ikyju lu, kb'inchet jun tumel tu'n tok tab'q'i aju toj tumel se'n taya kay'in ma qa t-xjalil.
- l. **Tokil kyipumal oklenjtz:** aju tipumal oklen texjal qa ma toq kub' yajin ma qa tzaj q'uma'n tu'n tkub' jayin, ilti'j tu'n tok jun majtl tipumal toklen xjal se'n ti'j t-xmilal ex ttab'il.

Toxin Totx'il.Taq'unanjtz, tb'inchet ex miltz'ub'il kawb'il. aju kwab'il ilti'j tu'n taq'unanjtz ex tu'n tb'inchet toj jun tzalajb'il se'n tq'uma'n toj tu'jil, twitz t-xilen toklen b'inch'a'nku twitz junjuntl kawb'il kyu'n junjun nimaq tnam ex b'inch'a'nku ex ka'yinku tu'n Ttxu Kwab'il Tnam Paxil. Qa at junjuntl tumel mixti' tku'x toj kawb'il lu, ilti'j tu'n t-xi' b'inchet se'n tq'uma'n Kawb'il tib'aj Tz'eyb'il Witzb'aj.

TKAB TNEJ

JAMIK'OB'IL XJAL YAJINQE, SB'UNQE EX CHQ'ONQE TU'N JUN XJAL

Tkyaj Totx'il. Jamik'ob'il Xjal Yajinqe, Sb'unqe Ex Chq'onqe Tu'n Jun Xjal.

Kb'inchetil aju Jamik'ob'il Xjal Yajinqe, Sb'unqe Ex Chq'onqe tu'n jun xjal, toj tumel taq'un tkab' Nejenel twitz qtanam Paxil ex ok aq'unal se'n tumel b'inha'nku toj kawb'il lu. Atzun xjal ok kyaq'unal toj ja lu, kysk'etil tu'n tkab' Nejenel twitz qtanam Paxil.

Tjwe'yin Totx'il. Qe Taq'un Jamik'ob'il. Aju Jamik'ob'il Xjal Yajinqe, Sb'unqe Ex Chq'onqe Tu'n Jun Xjal, aqe taq'un lu:

- a. Tu'n tajb'en te onb'il ex q'umal tqanil yajb'il xjal kye junjuntl kawb'il twitz qtanam Paxil tu'n tmoyit aju yajb'il xjal, sb'uyb'il ex choq'b'il xajl.
- b'. Oqxenil tumel tu'n tkub' b'inha'n kawb'il ex toj tumel kyaq'un junjun Jakawb'il twitz qtanam Paxil.
- c. Tb'ichetil aq'until ex xpich'b'il kyumel kawb'il, aq'until ex junjun xim twitz aq'until tib'aj moyb'il yajb'il xjal ex tu'n t-xi' na'yit jun majtl.
- d. Tb'ichetil ex taq'unanjtz junjun tumel tu'n tmoyit yajb'il xjal ex aq'unab'il tqanil ex onb'il toj b'a'n tumel, q'achq'al ex jikyb'a'n tumel twitz qtanam Paxil ex toj jun qkojb'il, twitz toklen t-xilen qxjalil, qanq'ib'il ex qtanam, junjun tumel ja' tayaxix taq'wuxil, twitz kyab'qi xjal, qanq'ib'il, qyol tu'n tb'ant tqanil ex t-xilen tnam ja' kyb'inchetila.

e. Q'ob'il te junjun u'j, kawb'il ex aq'untl te junjun jakawb'il, aqe nchi kub' tziyin tu'n K'loj xjal nchi aq'unan tib'aj kyoklen k'wal ex ku'xin twitz qtanam Paxil.

f. Tb'inchetil aju xpich'b'il tib'aj ojtzqib'il qe tumel nchi ajb'en tu'n tb'inchet yajb'il xjal, sb'uyb'il ex chaq'b'il xjal, se'nqe kawb'il ex junjuntl tumel nchex xjal junplajt tx'otx'.

g. Tb'ichetil junjun kawb'il toj tumel ma chi b'antl tu'n taq'unet aju onb'il xjal twitz junjun Nimaq tnam.

h. Tb'inha'njtz u'j tu'n taq'unanjtz xpich'b'il tqanil xjal nchi kyb' yajin.

i. B'ajsab'il junjun il ma qa junjun yajb'il ma tz'elwi kyu'n, tu'ntzun tok toj tajb'en aju kyoklen toj tumel kawb'il.

Aq'unab'il xnaq'tzb'il, b'inchab'il u'j tib'aj moyb'il yajb'il ex j. onb'il xjal tu'n tchjet il qa ma tz'ok b'inha'n kye, se'n tq'uma'n kawb'il lu.

Tb'inchetil aq'untl ex junjuntl xim kyu'kil junjuntl k'loj xjal k. twitz tnam Paxil, aqe chi onil tuk'il Jamoyb'il yajb'il, q ama t-xi' q'umet kye.

l. Tb'inchetil jun k'loj onil twitz junjun maqtnam toj tumel kawb'il ex to tumel t-xim jamoyb'il il.

Tqaqin Totx'il. Taq'untl.

Taq'un jamoyb'il il, aju tu'n tka'yit ex tu'n
taq'unet aju toklen kawb'il ex junjuntl
aq'untl tumel kawb'il. Noq tu'n tajb'en
ex taq'unanjtz kawb'il lu, q'untzun aju
jamoyb'il il, ilti'j tu'n tkub' tb'inja'n junjun
taq'un junjun k'loj aq'unal twitz tnam Paxil
ex kye xjal nchi onin twitz junjun tnam
tib'aj moyb'i il kyi'j xjal.

► TOXIN TNEJ

MOYB'IL, KOLB'IL EX KA'YB'IL KYE XJAL MA CHI B'AJ YAJIN

Twuqin Totx'il. Moyb'il. Aju nelpina moyb'il il, qa ma b'inchet junjun tumel na'mtoq tpon kanin il ti'j xjal, ma qa 'mtoq tkub' yajin xjal ex aju aq'untl lu, kyb'inchetil te xjal aju q'ontoq tok b'inha'n il ti'j.

Twajxaqin Totx'il. Kolb'il. Aju tumel kolb'il toj ojqel ex toj tb'anil kyu'n kawil tu'n tonit ju xjal ma b'aj yajin, tu'n tmiqet aju il ti'j ma qa tu'nmix kub' sb'una toklen ex tu'n tchjet til xjal b'inha'l il.

Aqe kawil chi aq'unalte tqanil moyb'il, se'n tq'uma'n kyaq'un, ilti'j tu'n tb'inchet kyu'n se'n tu'n tonit ka'yb'il xjal yajinqe.

Tb'elajin Totx'il. Ka'yb'il. Aju ntxuktxun onb'il ex toj tumel b'a'nxix kyu'n kawil, tu'n tonit toklen t-xmilal ex toklen ttab'il, se'n tten toj tzalajb'il ex tu'n tten kyu'n ttziky, se'n kyu'kil xjal junx kyab'q'i tuk'il, ex twitz t-xilen tanq'ib'il.

Twitz aq'untl tib'aj ka'yb'il xjal yajinqe ilti'j tu'n t-xi' qanit kye aju kyxim tib'aj jun tixti'. Ilti' tu'n tknet jun tumel se'n tu'n kyonina aqe xjal yajin ex toj tumel kyab'q'i ex se'n chi xim qa b'o'tz k'walqe.

Tlajin Totx'il. Yajin xjal. Se'n tq'uma'n kawb'il lu, k'okil toj tajlal jun xjal ma qa txqan yajinqe, qa at tk'ixb'ilen t-xmilal ma qa ttab'il, maqa ma tz'el alq'an tpwaq ma qa ma tz'el iq'in toklen tu'n juntl xjal, ex tzun il t-xilen aj tku'x ka'yit toj kawb'il te chojb'il il. Ex nchi ok qe xjal toj tajlal qa toj kyja kyib' tuk'il xjal ma b'aj yajin ex qe xjal nchi okil tu'nmix kub' yajina jun xjal kywitz.

Tjunlajin Totx'il. Toklen xjal yajin kub'. Toklenqe xjl yajin kub' aqe lu:

a. ewb'il t-xjalil ex kye xjal toj kyja kyib' tuk'il.

b'. Tb'anilix t-xmila, ttab'il ex tchwinqilal twitz tnam

c. Tzalajb'il toja kyu'kil ttziky

d. Onb'il toj tumel kawb'il ex toj ttxolil tu'n taq'unet tqanil onb'il toj yol nb'iyit b'a'nx tu'n xjal.

e. Onb'il toj tumel ex ttxolil ex jun tx'ixpul yol tu'n t-xi' b'inchet jun b'a'n onb'il te xjal. Atzun kye xjal na'm tel kyab'q'i, aju Nejenel twitz kawb'il te Nim tnam kxel tq'o'n jun ajkawil te jun xjal toj tumel.

f. Ilti'j tu'n tten toj tnam aju xjal ma tz'om il ti'j, twitz aq'untl nb'inchet ti'j.

g. Onb'il toj tb'anil te xjal ky'ixb'ini.

h. Aju kolb'il ex b'inchab'il toklen xjal aqe ma chi kub' yajin ex ma chi kub' sb'un ma qa chi kub' yajin kyu'n xjal ex

i. Junjuntl nchi aq'unan tib'aj xq'uqb'il junjun kyaq'unal tu'n kyten toj tzajalb'il, toj tb'anil ex twitz kyoklen.

Alexqe oklenjtz nchi q'uma'njtz toj totx'b'il lu, nim kyoklen ex mla'y b'ant kyewit.

Tkab'lajin Totx'il. Tokil tipumal oklenjtz. Aqe junjun oklenjtz tu'n tok kyipumal, tu'n kolit ma qa tu'n kyaq'unet ex qe junjuntl aqe lu: aju chwinqilal, qten, toklen qchwinqilal, xnaq'tzb'il, tten qchwinqilal toj tb'anil, tzalajb'il toj qja, tipumal qnab'il, xnaq'tzb'il toj ttxolil ex junjuntl ojtzqinqe twitz Ttxu Kawb'il tiwtz tnam Paxil, qe kawb'il, junjuntl u'j tib'aj kawb'il nchi ajb'en twitz qtanam.

Toxlajin Totx'il. B'ajsal. Se'n qa at jun yol ma qa matoq tzaj q'uma'n tqanil il, yajb'il ma qa sb'uyb'il oklenjtz tku'x toj kawb'il lu, elti'j tu'n t-xi' b'ajsab'aj ojql kye kawb'il ex kye xq'uqil. Atzun xjal kxel b'ajsal mla'y t-xi' tq'uma'n tb'i.

Tkyajlajin Totx'il. Ka'yb'il neqach. Mya' twitz sb'uyb'il kawb'il b'inha'n tib'aj b'etb'il kye xjal twitz juntl tx'otx'o, aqe xq'uqil at tu'n t-xi' ka'yin aqe lu:

- a. Tokil tipumal xq'uqb'il tu'n moyit ex tu'n tel yal aju sb'uyb'il xjal.
- b. Tu'n tkub' ka'yit aqe kyu'j xjal te kyxilen, te kyb'etb'il ex aju k'uxb'il iqilkye qa b'a'n taya tu'j ex qa mya' noq nab'lin.
- c. Tu'n tkub' ka'yit aju toklen ti'j xjal tuk'il b'o'tz k'wal aju iq'in.
- d. Tx'ixpul tqanil tu'ntzun tok yal aju b'iyb'il ajb'eni kyu'n b'inha'l il, tib'aj sb'uyb'il xjal, aju kyb'e ex xkotz iq'in kyu'n ma qa aqe junjuntl xjal kyu'kil, ma qa junjuntl tumel se'n ja'ku chi ok yala.

Tjwe'lajin Totx'il. Tqanil kye junjun k'loj xjal nchi tib'aj kolb'il. Tqanil kye junjun k'loj xjal nchi tib'aj kolb'il. Qa b'in tu'n Ttxu ka'yb'il twitz tnam, se'n tq'uma'n twitz kawb'il lu, ilti'j tu'n tq'uma'n tqanil aju xjal ma kub' yajin tu'n ka'yit ex tu'n tonit. Qa aju xjal ma kub' yajin b'o'tz tab'q'i, aju Ttxu kawb'il twitz tnam kxel tq'uma'n tqanil te Jakawb'il kye k'wal ex kye ku'xin tu'n tb'inchet aq'untl tib'aj kolb'il. Qa aju xjal ma b'aj yajin te juntl tnam, aju kawil ilti'j tu'n t-xi' tq'o'n tqanil te jun k'loj xjal ja' nchi mik'eta qe xjal lu.

TTXOLIL SIPB'IL XJAL MA CHI KUB' SB'UN.

Tqaqlajin Totx'il. Ttxolilpin. Aqe xjal a chi kub' yajin chi xel q'et kye t-xjalil qa ma taq chi yolin kawil kyu'kil, twinaqil, tu'ntzun kxel q'oyit kye toj tumel b'a'nxix. Aju Tnam Paxil kxel tnuk'un tumel sipb'il tuk'il tnam, aj t-xi' tqanin jun onb'il tib'aj qe pwaq ma b'aj aju xb'inchet kolb'il te xjal lu, ex mya' tu'n tsb'un ti'j kolb'il. Aqe Nejenel twitz nim tnam, toj tumel wi'xb'il k'wal ex q'a, kxel tb'inch'a'n aju sipb'il k'wal. Toj junjuntl tumel, aju Ttxu k'loj xjal nchi ka'yinte tneqachil junjun tnam, twitz kytemb'il, kchi onil kyeqe qwinaqil ma chi kub' sb'un toj juntl tnam, tu'n tb'ant kolb'il tu'n tnam Paxil ja taya kyja.

Twuqlajin Totx'il. Ttxolil sipb'il. Aju ttxu Ka'yil tneqachil tnam, ilti'j tu'n taq'unan kyu'kil mik'ol toj juntl tnam ja' taya tja xjal, noq tu'n tb'inchet sipb'il toj tb'anil ex toj jun b'a'n tumel kyoklen xjal, se'n toj tumel kolb'il xjal. Mya' toj yajb'il chi sipb'ila, kchi xe'l q'o'n kyq'anb'il ex ka'yin tten kynab'il, kyoklen toja ma qa tu'n kyten toj tnam te jun kmuj ma qa te jun majx. Atzun tajb'il xjal tu'n tanjtz taj, kxel b'inchet ajun sipb'il ex mla'y kub' ewit. Qatzun mixti' tu'j xjal tu'n toktzaj toj ttanam ok aq'unetl kyu'n Ttxu ka'yb'il neqach tuk'il ttanam, aqe u'j te b'etb'il ma qa te tziyb'il noq tu'n tok tzaj.

Twajxaqlajin Totx'il. Toklen xjal kxel wab'aj. Aju Ttxu Ka'yb'il neqach te tnam, ilti'j tu'n tb'inchet aqe junjun oklejtz lu:

a. B'etb'il ex onb'il xjal kyu'kil junjun onb'il.

b'.Taq'unanjtz junjun tumel tu'n tk'uyit toklen xjal, t-xilen ex tky'ixb'ilen, tnaab'il ex ttanam kyu'n ajq'ani.

c. Onb'il tu'n tyolin kyu'kil t-xjalil tu'n tok te ju tumel b'a'n tten aj tpon toj ttanam.

d. Taq'unanjtz toj ttxolil kyu'n xjal nchi aq'unan tib'aj kyiky'tz xjal ex junjun xjal nchi kolin ti'j kyoklen xjal yajinqe, toj jun tumel tu'n kolit ex tu'n ka'yit se'n atetoq toja ex aj kyxi' sipb'aj.

Tb'elajlajin Totx'il. Tu'jil mujb'il xim tib'aj kolb'il, onb'il ex sipb'il. Aju Jaka'yb'il twtz tnam ex Ttxu kayb'il tneqachil tnam, ilti'j tu'n taq'unet, la'j, nuk'b'il, tb'inchetil, ka'yb'il ex xpich'b'il ti'j: a. Tu'jil mujb'il xim tib'aj kolb'il ex onb'ilkye xjal yajinqe; ex b'.Tu'jil mujb'il xim tib'aj kolb'il tu'n kysipit xjal ma chi kub' yajin ex toj tajlal t-xim xjal qa mya' tajb'il tu'n tanjtza ajsan ti'j.

TKYAJIN TNEJ

TIB'AJ CHOJB'IL IL TE YAJB'IL XJAL, SB'UYB'IL EX CHAQ'B'IL XJAL.

Tk'alin Totx'il. In ok toklen tajlal |o. toj totx'il :•|| te Chojb'il Il. Toj tajala Tqob' kawb'il :||| – ::|| te Ttxu Kawb'il te Tnam Paxil, atzun kyjel se'n lu:

“6o. aqe chi chojil il se'n tku'x toj tajala totx'il at toj Tnejel Tnej toj Toxin Tu'jil”

Tjunk'alin jun Totx'il. In toklen ajlal |o. aju ttotx'il |:| te Chojb'il il, toj tajlal Tq'ob' Kwab'il :||| ::|| te Ttxu Kawb'il te Qtanam, atzun kyjel se'n lu: “|o. aj tb'et qi'j toj kab'e maj toklen, se'n tziyin kub' toj tumel il b'inja'n tten toj Tnejel Tnej ex Tkab' Tnej toj Tkab' ex Toxin tajlal Tu'jil, te Tkab' U'jb'il te Chojb'il Il.”

Tjunk'alin kab' Totx'il. In ok toklen aju tajlal |0. Aju tajlal totx'il |:| te Chojb'il il, toj tajlal Tq'ob' kawb'il :|| ::|| , twitz Ttxu kawb'il te tnam Paxil, ma kyej ikyju lu: |0.Aju kyi'j qe il ma t-xi' b'inja'n kye b'o'tz k'wal, aju oklenjtz kxe'lqe aj tel tab'q'I aju k'wal kub'ni yajin.

Tjunk'alin ox Totx'il. In ok tmujb'an tib' tuk'il totx'il :| || ex tuk'il Chojb'il il, toj tajlal tq'ob' kawb'il :||| – : :|| te Ttxu Kawb'il twitz Paxil ex nkyij ikyju lu:

“Ttotx'il :| || te tmujb'il. Yajb'il kyi'j k'wal. Alkye exku' jun xjal ex ti'jku' ma t-xi' tb'inja'n ti'j jun k'wal ma qa ti'j jun xjal mya'xix b'a'n taya, yajb'il t-xmilal, yajb'il twi', yab'il ma qa tu'n tkim k'wal, ok jpetil toj tz'iyb'il witzb'aj toj kab' ma jwe' ab'q'i, ex mla'y kub' yajit tu'n chojb'il junjuntl til.”

Tjunk'alin kyaj Totx'il. In ok tmujb'an tib' tuk'il totx'il :| || Ex tuk'il Chojb'il il, toj tajlal tq'ob' kawb'il :||| -:||| te Ttxu Kawb'il twitz Paxil ex nkyij ikyju lu:

“**Ttotx'il :| || Ilqil yab'il aj toj yajb'il.** Alkye jun xjal b'in tu'n qa at yab'il iqin tu'n ex ma sel tiqin kyi'j xjal ex qa ma t-xi' tq'o'n ti'j juntl xjal kjpetil kab' ma kyaj ab'q'i.

Atzun k'wal aju xjal ma kub' yajin ma qa jun xjal mya' b'a'n twi', ok jawil ch'iyset aju chojb'il te kab' majtl se'n ch'insma nikjan te tnejil ab'q'i.

Tjunk'alin jwe' Totx'il. In oktmujb'an tib' tuk'il totx'il :| || Ex tuk'il Chojb'il il, toj tajlal tq'ob' kawb'il :||| – : : || te Ttxu Kawb'il twitz Paxil ex nkyij ikyju lu:

“**Ttotx'il :| ·||| te tmujb'il.** A'quntl kye k'wal twitz junjun kuw toka kye. Alkye mat-xi'kyaq'un k'wal toj tkuwil ex qa ma chi kub' yab'ti tu'n, kyxmilal ex kyoklen, kjpetil kab' ma kyaj ab'q'i ex ex ati jun pwaq chojb'il ti'l te junk'al ma jwe'k'al ttenejil pwaq.”

Tjunk'alin qaq Totx'il. Kb'inchetil tjun majtl tb'i toxin U'j tkab' teju Chojb'il il, toj tajala Tq'ob' kawb'il :||| – : : || twitz Ttxu Kwab'il te Paxil ex kyjel ikyju lu:

“Toxin Tb'i

Kyib'aj il twitz ewb'il ma chaq'b'il tu'n kmuje kab' xjal.”

Tjunk'alin wuq Totx'il. Kb'inchetil tjun majtl tnjil Tnej te Toxin U'j te tkab' U'j teju Chojb'il il, toj tajala Tq'ob' kawb'il :||| – : : ||twitz Ttxu Kwab'il te Paxil ex kyjel ikyju lu:

“TNEJIL TNEJ Tib’aj Yajb’il xjal”

Tjunk’alin wajxaq Totx’il. Kb’inchetil tjun majtl tb’i toxin U’j tkab’ teju Chojb’il il, toj tajala Tq’ob’ kawb’il :||| – : :|| twitz Ttxu Kwab’il te Paxil ex kyjel ikyju lu:

“Totx’il :| :|| Yajil. AlkYe xjal ma yajin t-xmilal ma qa ttab’il jun xjal, qa yajin tchib’jil ttz’alb’il, ma tñu’p ma ttzi tñu’p tuk’il juntl xjal, qa ma tz’okx tq’o’n jun tixti’ ti’j t-xmilal jun xjal jaxjaku’ ex qa ma t-xi’ tq’um’an te juntl jal tu’n tokx tq’o’n ti’jx, kb’el jpet wajxaq ma kab’laj ab’q’i.

Aju il lu, at toklen qa aju xjal ma k’wal na’mtoq tel kyajlaj ab’q’i, ma qa jun xjal mya’ b’a’nxix twi’.

Aju il kb’el kychjon xjal mla’y tz’ok toj tajlal aju junjuntl kyil toj jun plajt.”

Tjunk’alin b’elaj Totx’il. Kb’inchetil tjun majtl tb’i toxin U’j tkab’ teju Chojb’il il, toj tajala Tq’ob’ kawb’il :||| – : :|| twitz Ttxu Kwab’il te Paxil ex kyjel ikyju lu:

“Ttotx’il :| :|| kmujb’il. Saq’b’il Xmilal. Alkye jun xjal ma kub’ yajin t-xmilal ma ttab’il, noq tu’n tkub’ ten tuk’il jun xjal, tu’n juntl xjal ma tu’nx, ex ma mixti’ sok ttzyu’n b’a’nxix ok jpetil jwe’ ma wajxaq ab’iq’i.

Aju il lu, at toklen qa aju xjal ma k’wal na’mtoq tel kyajlaj ab’q’i, ma qa jun xjal mya’ b’a’nxix twi’.

Aju il kb’el kychjon xjal mla’y tz’ok toj tajlal aju junjuntl kyil toj jun plajt.”

Tjunk'alin laj Totx'il. Kb'inchetil tjun majtl tb'i toxin U'j tkab' teju Chojb'il il, toj tajala Tq'ob' kawb'il :||| – : :|| twitz Ttxu Kawb'il te Paxil ex kyjel ikyju lu:

“Totx'il :| : || Ch'iysb'il tajlal il. Aju aq'unb'il kye chojb'il il ma chi q'uma'ntz kyoj junjun totx'il ma chi iky, kjawil ch'iset kab' ma se'n toj toxin tomej tnejil ab'q'i, qa se'n:

- 0. Qa kab' kb'aj xjal ma chi b'ncha'n il ma qa txqantl.
- : 0. Aj aju xjal ma tzaj twinqil ex ma tz'ok yab'il ti'j, qa mya' b'a'n t-xmilal ma twi' ex qa jpun tuja.
- : 0. Qa ma tz'ajb'en junjun tb'iyb'il xjal ma yajin ma q ama tz'ajb'en q'en tu'n, ma qa juntl tixti' ma yajit jun xjal tnab'il.
- : 0. Qa ma tz'ok b'inha'n il ti'j jun qya/xu'j ch'onwi' ex qa ma tz'ok ye'xix yab'il ti'j tu'n.
- | 0. Qa at kyten xjal ma yajin, ma aju q'o'lte xnaq'tzb'il, xq'uqil, ka'yilte, onilte ma tchmil ma tchmilb'en, ma kymijeb'il tu'kil ma oktoq mijeb'il tuk'il ma qa jun ttz'ik se'n tq'um'an kawil.
- | 0. Qa tu'n tpaj t-xjalil, aju ajil ma t-xi' tq'o'n tixku' jun yab'il ti'j t-xmilal jun xjal.
- :| 0. Qa aju xjal ma yajin aq'untl twitz tnam ma qa ajxnaq'tzal tib'aj junjun tumal b'a'n chwinqilal.

Tjunk'alin junlaj Totx'il. Kb'inchetil tjun majtl tb'i toxin U'j tkab' teju Chojb'il il, toj tajala Tq'ob' kawb'il :||| – : :|| twitz Ttxu Kawb'il te Paxil ex kyjel ikyju lu:

TJWE'YIN TNEJ

Tib'aj Kolb'il t-xmila jun xjal

Tjunk'alin kab'laj Totx'il. Kb'inchetil tjun majtl aju tajlal totx'il :|| :| te Chojb'il il, toj tajala Tq'ob' kawb'il :||| – : :|| twitz Ttxu Kawb'il te Paxil ex kyjel ikyju lu:

“Ttotx'il :|| :| Yek'b'il Qxmilal. Alkye ma kub' ttzyu'n tib' ma qa kb'el ttzyu'n jun xjal kywitz k'wal ma twitz jun xjal mya' b'a'nxix twi', kypetil ox ma jwe' ab'q'i.

Tjunk'alin oxlaj Totx'il. Kb'inchetil tjun majtl aju tajlal totx'il 9 9 te Chojb'il il, toj tajala Tq'ob' kawb'il :||| – : :|| twitz Ttxu Kawb'il te Paxil ex kyjel ikyju lu:

“Ttotx'il :|| :|Qokyix ka'yil ex k'ayil ka'yb'il kye xjal tzyu'n kyib' ex qa b'o'tz k'wal. Chi jopetil ox ma jwe' ab'q'i, alkyeqe:

a. Nchi ttzaqpin ka'yb'il kye k'wal aju o'kx taya kye ti'j xjal, ma kye xjal mya' b'a'n kywi'.

b'. Nchi okx ttzyaqpin k'wal ka'yil ti'j k'ayb'il kye ti'j xjal.

c. Se'n xku' tumel nxi' tk'ayin kye k'wal aju ka'yb'il kye ti'j xjal.

d. Se'n xku' tumel nxi' tq'o'n ka'yb'il kye k'wal.

Tjunk'alin kyajlaj Totx'il. Kb'inchetil tjun majtl aju tajlal totx'il :|| :| te Chojb'il il, toj tajala Tq'ob' kawb'il :||| – : :|| twitz Ttxu Kawb'il te Paxil ex kyjel ikyju lu:

“Totx’il ∴ ||. Yajb’il T-xmilal xjal. Akyexku’ jun tixti’ sajb’en tu’n jun xjal te yajil jun xjal ex qa ma kub’ ttzyu’n ma qa jun tqanil la’j, tq’ojq’ojil, ka’yin ex ma tilb’ilal t-xmilal, tu’n tb’olj t-xilen tchwinqilal, kb’el jpet jun ma ox ab’q’i.

Ax qe chojb’il tij jun xjal qa mixti’ tq’umb’ilte tu’n tokten yik’lte jun ka’yb’il te jun xjal toj se’nku’ tumel qa in etzaj jun xjal mixti’ tok ti’j ma qa tilb’ilal jun ttziky ma te jun xjalxi, ma tz’ok yal tu’n toj jun xk’utz’ib’ te jun xjal ma najb’en twitz tnam, kb’elix jpet kab’ ma kyaj ab’q’i qa ma tz’ok ten yek’ilte toj se’nku tumel.

Tjunk’alin tjw’elaj Totx’il. Ma ku nuky’et tb’i tnej Tqaqi’n k’loj te toxin yek’b’il te u’j te kawb’il te il, tajlal nuk’b’il wuqlaj sqit oxk’al oxlaj te jakawb’il twitz Paxil iky in tq’uma’n kala:

TQAQIN TNEJ A ilti’j yajb’il qxmilal

Junk’al tqaqlajin Totx’il. In ku nky’et b’elajlajk’al junlajin totx’il te u’j te kawb’il, techlal wuqlaj sqit oxk’al oxlaj te te jakawb’il twitz Paxil, iky in tq’um’an kala:

“Tb’elajk’al junlajin Totx’il. Onb’il, ti’jyajb’il qxmilal. A qa ma kub’ yajit jun xjal nim tab’q’i tu’n tok te yajb’il xmil, at jun tz’ey witzb’aj te jwe’ mo laj ab’q’i ex jun tchojb’il te kab’k’al laj ch’uy mo jwe’k’al ch’uy pwaq.”

Tjunk’alin wuqlaj Totx’il. In ku nky’et b’elajlajk’al kab’lajin totx’il te u’j te kawb’il, techlal wuqlaj sqit oxk’al oxlaj te jakawb’il twitz Paxil, iky in tq’uma’n kala:

Tb'elajk'alin kab'laj Totx'il. Onb'il, ti'j elq'an yajb'il qxmilal. Aju tz'eyseb'il witzb'aj nyek'injtz toj totx'il kyejni kjawil ch'iyset toj toxin k'loj, qa iky tten kala:

a. Qa ch'onwi' xjal aj tkub' yajin t-xmilal.

b'. Qa a maku' yajinte xjal at toklen tuk'il,ka'yilte, q'ol tnaab'il, tchmil, tchmilb'en mo tman.

c. Qa aju in yajin qxmilal at toklen.

Tjunk'alin wajqaqlaj Totx'il. Inku nky'et b'elajlajk'al oxlaj totx'il te u'j te kawb'il, techlal wuqlaj sqit oxk'al oxlaj te ja te kawb'il twitz paxil, iky in tq'um'an kala:

Tb'elajk'alin oxlaj Totx'il. Aq'untl teyajb'il qxmilal kuk'il k'wal. Alkye ma yajin qxmilal qa te mo te juntl xjal b'o'tz tab'q'i, naq tu'n tb'inch'a'n qxmilaltu'n tkamb'et tpwaq mo juntl tixti' te chojb'il, qa ma kamb'et aju tajb'il mo xti'kyxel jwe' mo wajxaq ab'q'i toj tz'eyswitzb'aj, mixti'x jun ttaq'uxil ti'j tz'eyseb'il lu ti'j junjuntl il.

Tjunk'alin b'elajlaj Totx'il. In ok tz'aqtzet b'elajlajk'al oxlaj totx'il te u'j te kawb'il, techlal wuqlaj sqit oxk'al oxlaj te jakawb'il twitz Paxil, iky in tq'uma'n kala:

"Tb'elajk'alin oxlaj Totx'il. Chojb'il Aq'untl teyajb'il qxmilal. Alkye ma b'inchante qa te mo te juntl xjal, naq tu'n nkub' tyajin t-xmilal tuky'il jun xjal nim tab'q'i, qa nxi' ttzaq'we'n mo nxi' tq'o'n te junxilt xjal a chojb'ilte, qa ma kamb'et aju tajb'il mo mixti'kxel ox mo jwe' ab'q'i toj tz'eyseb'il witzb'aj."

Tkab'k'alin Totx'il. nku nuky'et b'elajlajk'al kyajlaj totx'il te u'j te kawb'il, techlal wuqlaj sqit oxk'al oxlaj te jakawb'il twitz Paxil, iky intm'an kala:

Tb'elajk'alin kyajlaj Totx'il. B'inchal tx'ixwilkyilb'il xjal b'o'tz kyab'q'i. Alkye ma b'inch'a'n ma qa ma tz'el ti'n tx'ixwiltib'ilal mo tq'ojq'ojil to twi' jun mo txqan xjal b'o'tz kab'q'i maqa tzkajqe' qa nchi b'inch'a'n ti'j junjun tx'ixwil tilb'ilal, ok chi xel q'o'n toj tz'eyseb'il witzb'aj qaq ab'q'i ma aj ab'q'i ex jun kychojb'il te kab'k'al laj ch'uy pwaq.

Tkab'k'alin jun Totx'il. In ok tz'aqtzet b'elajlajk'al jwe'laj totx'il te u'j te kawb'il, techlal wuqlaj sqit oxk'al oxlaj te jakawb'il twitz Paxil, iky in tq'uma'n kala:

Tb'elajk'alin jwe'laj Totx'il. K'ayb'il tx'ixwilkyilb'il xjal b'o'tz kab'q'i. Alkye ma b'inch'a'n maqa ma tz'el ti'n kyilb'ilal mo tq'ojq'ojil toj twi' xjal b'o'tz kyab'q'i maqa tzkajqe' tu'n t-xi' tk'ayin maqa te tx'ixwiltib'ilal, ok chi xel q'o'n toj tz'eyseb'il witzb'aj qaq mo wajxaq ab'q'i ex jun kychojb'il te kab'k'al laj ch'uy pwaq maqa jun q'o' laj k'al ch'uy pwaq.

Tkab'k'alin kab' Totx'il. In ok tz'aqtzet b'elajlajk'al jwe'laj totx'il te u'j te kawb'il, techlal wuqlaj sqit oxk'al oxlaj te jakawb'il twitz Paxil, iky in tq'uma'n kala:

“Tb'elajk'alin jwe'laj Totx'il. Etb'il te aq'unb'il tx'ixwilkyilb'il xjal b'o'tz kab'q'i. Alkye ma tz'oky tetzin maqa ma tlq'o aq'unb'il tx'ixwilkyilb'ilal jun mo b'anpin xjal b'o'tz kyab'q'i mo kye tzkaj xjal, at kyil tib'al ex ja'ku che'x q'o'n toj tz'eyseb'il witzb'aj kab' mo kyaj ab'q'i.”

Tkab'k'alin ox Totx'il. In ok tz'aqtzet b'elajlajk'al jwe'laj totx'il te u'j te kawb'il, techlal wuqlaj sqit oxk'al oxlaj te jakawb'il twitz Paxil, iky in tq'uma'n kala:

“Tb’elajk’alin jwe’laj Totx’il. Kyajb’en aq’until te elq’ab’il xjal b’o’tz kyab’q’i te k’aǎ ex tu’n kub’ yajin. Alkye ma t-xi’ tb’incha’n maqa ma tz’onin tu’n tb’inchet il lu ti’j jun xjal ajb’etilqe, nim kyil tib’aj ex ok chi xe’l q’o’n qaq mol laj ab’q’i toj tz’eysb’il witzb’aj ex jun kychojb’il te jwe’k’al ma jun q’o’ jwe’k’al ch’uy pwaq.”

Tkab’k’alin kyaj Totx’il. In ok tz’aqtzet b’elajlajk’al jwe’laj totx’il te u’j te kawb’il, techlal wuqlaj sqit oxk’al oxlaj te jakawb’il twitz Paxil, iky in tq’uma’n kala:

“Tb’elajk’alin jwe’laj Totx’il. Tumel nim toklen te onb’il. Aju tz’eysb’il witzb’aj te jun il tku’x toj totx’il wajxaqlajk’al oxlaj, b’elajlajk’al wajxaqlaj, b’elajlajk’al b’elajlaj, b’elajlajk’al kyajlaj, b’elajlajk’al jwe’laj, okjawil ch’iyset toj toxin piǎ qa b’o’tz tab’q’i xjal;

Tkab’k’alin jwe’ Totx’il. Kb’inchetil tjun majtl aju tajlal totx’il :|| :||| te Chojb’il il, toj tajala Tq’ob’ kawb’il :||| – : :|| twitz Ttxu Kawb’il te Paxil ex kyjel ikyju lu:

“Ttotx’il :| :|||. Tib’aj aq’unb’il tz’eysb’il. Atzun tib’a’j aq’unb’il tz’eysb’il tib’aj junjun at qe ku’x toj toxin tb’i te tajlal kawb’il, ateqe ku’x ttxolil lu:

- .0 jun aq’until tu’n tb’inchet twitz tnam toj tumel jun u’j tu’n Ka’yil il twitz tnam.
- ∴ .0 aju qanb’il najsam tu’n xjal ma toq kub’ yajin ma tu’n xjal in onin ti’j mla’y kub’ naj aq’unb’ilte il tu’n.
- ∴ .0 aju aq’unb’ilte chojb’il il, mla’y kyij’ tzqpet, ml’ay kub’ taqky’et ma tu’n tkub’ najset.

⋮ .0 Aju Ttxu Ka'yil twitz Tnam, twitz jun u'j toj b'a'n tumel ok kyaq'unal tib'aj jun xjal qa b'o'tz tab'q'i ex qa mixti' nb'ant tu'n tonit tu'n jun xjal, ma qa at jun tixti' mya' b'a'n kyxol xjal ky'ixb'ini tuk'il xjal in onin ti'j. toj tumel ok kyb'inchetil aq'untl tib'aj toklen k'wal se'n toj b'a'n tumel.

| .0 Aju Ttxu ka'yil il kyaq'unal ti'j kolb'il jun xjal qa mixti' tpwag tu'n t-xi' b'ajsal.

·| .0 Aqe ajkawil at kyoklen tu'n tkub' kychiky'b'a'n aju tumel aonb'il se'n qa tajb'il xjal tu'n t-xi' onin ky'achb'ilte ex qa in tq'uma'n xjal in onin ti'j.

Tkab'k'alin qaq Totx'il. Kb'inchetiltjun majtl aju tajlal totx'il :| :|| te Chojb'il il, toj tajala Tq'ob' kawb'il :|| – : :|| twitz Ttxu Kawb'il te Paxil ex kyjel ikyju lu:

“Totx'il :| :||. Tumel chojb'il il. Aqe xjal ma chi b'inha'n il se'n in tq'uma'n toxin tb'i ex te u'jb'il te kawb'il tib'aj il, se'n tib'ajxi' chojb'il il, ate' junjun tumel se'nqe lu:

• .0 qa aju xjal ma b'inha'n il mya' te qtanam, kb'el ychjon ti'j aj tex xla'jit toj qtanam ex ojql.

• .0 qa aju xjal ma b'inha'n il, ajkawil tib'ajxi' chojb'il til kyib' ajxi' ma chi oku'n yol, kxel jpub'aj aju tu'j tu'n taq'unan kab'maj toj tumel tajlal ti'j ma kub' q'o'n.

⋮ .0 qa aju xjal ma b'inha'n il, kub' tyajin jun xjal noq tu'n tpaj at ttxa'n tuj twitz jun aq'untl, ok kyelil q'iyit tu'j ex mla'y tz'aq'unantil ex kyb'el tchjon kab'maj ti'j tu'n tu'j ex kab'maj toj tumel til xkub' q'o'n.

⋮ .0 qa tu'n il kjpetil twitz aq'untl ma noq tu'n toklen tu'j jun xjal etzni ma qa juntl aq'untl etzni.”

Tkab'k'alin wuq Totx'il. Kb'inchetil tjun majtl aju tajlal totx'il || :
te Chojb'il il, toj tajala Tq'ob' kawb'il :||| - : :|| twitz Ttxu Kawb'il
te Paxil ex kyjel ikyju lu:

“Ttotx'il || : Yajb'il. Sb'uyb'il xjal. In ok te il qa at sb'uyb'il se'n
qa ma kub' tzyu'n, ma t-xi' iqin, ma t-xi' q'o'n junplajt, qa ma kub'
miqon, qa ma chi jaw tzyu'n ma qa ma chi kub' b'uyin noqx tu'n
kub' yajin.

Alkye ma kub' b'inha'nte il lu, ok jpetil wajxaq ma wajxaqlaj
ab'q'i ex ok chjetil jwe'lajka'l ma juq'o' lajk'al tpwaqil chojb'il.

Mla'yx tz'ok toj tajlal jun qanb'il majsam yek'in kub' tu'n ajil ma
tu'n xjal nkolin ti'j.

Ajqe t-xim il tib'aj yajb'il xjal, on chi okil te yajb'il aqe lu:

Aju ajb'il xjal, alkyexku' juntl tumel yaj, aqe junjuntl kuw aq'untl,
ma qa juntl tumel kuw aq'untl, ma aju iky'b'il, se'nxku juntl tumel
yajb'il, ajb'el te jun xjal, k'ayil xjal, ma iqil xjal toj juntl tnam ex
aju k'ayil kyxmilal xjal, ma qa aju tzyu'l xjal b'o'tzqe tu'n kyxi'
kyxol aleq, obj'il xjal, ma qa b'inha'l u'j tu'n kyxi' k'wal yek'il
kyxmilal, ch'oywiyil toj chaq'b'il ma meheb'il toj chaq'b'il”.

Tkab'k'alin wajxaq Totx'il. Kb'inchetiltjun majtl aju tajlal totx'il
|| : te Chojb'il il, toj tajala Tq'ob' kawb'il :||| - : :|| twitz Ttxu
Kawb'il te Paxil ex kyjel ikyju lu:

“Ttotx’il || : Kyajmaj. Onb’il tu’n tpaj yajb’il xjal. Qa at jun xjal ma t-xi’ tq’uma’n te juntl qa noq tu’n kxel tb’incha’n jun taq’wux aq’untl, kxel tq’o’n pwaq chojb’ilte ma qa juntl tixti’ te chojb’ilte, kjpetil qaq ma wajxaq qb’q’i.

Aj chojb’il il in q’uma’njtz toj k’loj yol jawl, ok ch’iyil kab’majtl qa aju onb’il q’uma’nx kxel q’o’n kye k’wal na’m kyel kyajlaj ab’q’i; ex kych’iyil kab’majtl qa aju xjal na’m tel laj ab’q’i.”

Tkab’k’alin b’elaj Totx’il. Kb’inchetil tjun majtl aju tajlal totx’il || ∴ te Chojb’il il, toj tajala Tq’ob’ kawb’il :||| – ∴ :|| twitz Ttxu Kawb’il te Paxil ex kyjel ikyju lu:

“Ttotx’il || ∴ **Junjun tumel il.** Aqe junjun chojb’il il ma chi q’uma’njtz toj junjun toxt’il jawni ok chi ch’iyil ch’inxma te nik’jan, qa ate’ twitz junjun tumel lu:

- Qa aju elq’ab’il xjal ma jpet minch’intl toj oxe q’ij.
- Qa aj tb’inchet il ma q’um’anjtz tu’n tkub’ b’yon xjal, ma b’aj yasi’n ex qa ma tz’ex b’aj tib’aj tu’n yajin xjal.
- ∴ Qa aju il ma kub’ b’incha’n kyu’n kab’ xjal.
- ∴ Qa ma kub’ numsan t-xim xjal, noq alkyexku’ tumel.
- | Qa aju xjal ma kyi’j b’olj twi’ no te jun kmuj ma te jun majx.
- | Qa aqe il nchi q’um’anjtz toj junjun totx’il lu, ∴|, ∴| ∴, ∴| ∴, Juntl Tnej, ∴| ∴, ∴| |, ∴| |, Juntl Tnej, juntl tqan ∴| |, Juntl ∴| | Tnej Kyajmaj, || ∴ juntl tqan ex || ∴

Kyajmaj, aju chojb’il il kych’iyil toj jun tumel te ch’inxma toj nik’jan il qa ma pon kanin toj junjun tumel lu:

a. Ma t-xi' tb'inha'n il.

b'. Ma t-xi' tb'inha'n jun mejeb'il te chaq'b'il no tu'n ma t-xi' tq'o'n jun k'wal te t-xel jun tixti', no tu'n tok te jun k'wal ma tzul itz'j ma noq tu'n tkub' kypan kyib'.

c. Qa aju xjal ma kub' yajin mya' b'a'n twi' ma kub' twusan tib' ex qa ma ti'j.

d. Qa aju xjal ma saq'in a kyten tuk'il xjal me kub' yajin ma qa aju nxi' q'o'nte t-xnaq'tzb'il, kayilte, xq'uqilte, ma tchmil ma tchmilb'en, tuk'il in najan ma qa intoq in najan tuk'il qa aju manb'aj te xjal ma kub' yajin.

e. Qa aju ayyajin ma tz'ajb'en jun q'aq' tu'n, ma tx'ujtelin, jun tx'ujsb'il xjal, ma qa junjuntl tixti' ma ky'ixb'i jun xjal tu'n.

f. Qa aju xjal ma ky'ixb'i ch'onwi'.

g. Qa aju xjal ma kub' tb'inha'n il jun aq'unal tiwtz tnam, ma jun ajxnaq'tz at twitz taq'un.

Aju chojb'il il ok ch'iyil kab'maj tib'aj xi' niky'jantil toj tumel kyq'uma'n totx'il || · ex || ∴ ex qa b'inchet il twitl jun xq'uqil ex qa aju xjal ma kub' yajin b'o'tz tab'q'i, na'm tel wajxaqlaj ab'q'i ex qa ma tz'el kyajlaj ab'q'i; toj toxin tniky'janil qa na'm tel kyajlaj ex qa ma tz'el laj ab'q'i; ex kab'maj qa n'am tel laj ab'q'i.

Tkab'k'alin laj Totx'il. Kb'inchetiltjun majtl aju tajlal totx'il || ∴ te Chojb'il il, toj tajala Tq'ob' kawb'il :||| - ∴ :|| twitz Ttxu Kawb'il te Paxil ex kyjel ikyju lu:

“ttotx’il ·|| :|||. Chitzun telil winaq. Alkye majaw nab’linter jun ch’onwi’yil noq tu’n tkanb’et jun tixti’ tu’n, kjpetil ox ma jwe’ ab’q’i ex kychojil junch’uy jwe’q’o’ ma laj pim waq.

Aju ajq’anil ma aqe xjal nchi aq’unan toj jaq’anb’il ma qa aqe yoq’il ma chi onin twitz il lu, kchi jpetil ex mla’y chi aq’unantil tzmaxi’ aj tchjet il ex toj kab’maj tib’aj kyil.”

Tkab’k’alin junlaj Totx’il. Kb’inchetil tjun majtl aju tajlal totx’il ·|| :||| te kawb’il il, toj tajala Tq’ob’ kawb’il :||| – : :|| twitz Ttxu Kawb’il te Paxil ex kyjel ikyju lu:

“ttotx’il ·|| :|||. Tx’ixpul jun k’wal tuk’il juntil. Alkye ma jaw ttx’ixpunte jun ne’x axtoq tul itz’j, kyjpetil wajxaq ma laj ab’q’i ex kychojil jwe’k’al ma junq’o’ jwe’k’al pim pwaq.”

Tkab’k’alin kab’laj Totx’il. Kb’inchetil tjun majtl aju tajlal totx’il || : te kawb’il il, toj tajala Tq’ob’ kawb’il :||| – : :|| twitz Ttxu Kawb’il te Paxil ex kyjel ikyju lu:

“ttotx’il :|| ¶. Tx’uyil ex yekil jun mejeb’il. Kyjpetil jwe’ ma wajxaq ab’q’i ex kychojil jwe’k’al ma junq’o’ jwe’k’al pim pwqa, alkye:

- Alkye ma b’ajsan ma qa ku’x ttz’ib’in jun xjal toj q’ujil x noq tu’n tel il toj jun mejeb’il ma qa b’int tu’n ex noq toj nayb’il nxi’ tb’incha’na.
- Alkye ma kub’ tewin ma qa ma kub’ tyek’il tk’wal, noq tu’n tel toklen ma no tu’n tkub’ tpa’n tib’.
- Alkye ma ttz’ib’in jun ne’x mixti’x sul itz’j ma qa ma t-xi’ tq’o’n kyu’j junjun manb’aj.

Qa jun a'qunal twitz tnam b'in tu'n, t-xilen jun tz'ib'il ne'x mixti'x sul itz'j ex kytz'ib'itil tu'n toj kyu'jil xjal, kjpetil qaq ma laj ab'q'i ex mla'yx tz'aq'unantil twitz tnam ex kab'maj kb'el chjon il, tu'n mix mla'y tz'aq'unantil."

Tkab'k'alin oxlaj Totx'il. Kb'inchetiltjun majtl aju tajlal totx'il :|| · juntl tnej te kawb'il il, toj tajala Tq'ob' kawb'il :||| – ÷ :|| twitz Ttxu Kawb'il te Paxil ex kyjel ikyju lu:

"Ttotx'il :|| · juntl tnej, etzb'il mya' toj tumel. Alkye ma kub' t-ximen tu'n tkub' tmeb'ayin jun xjal ex nxi' tq'uma'n qa kyxel' tq'o'n tpwaq ma jun ttixti', ex qa ma b'ant tu'n ma qa mixti', kjpetil ox ma jwe' ab'q'i ex kychojil junk'al ma jwe'k'al pim pwaq.

Aju til kb'el tchjon mla'y tz'ok toj tajlal qa at junjuntl til toj jun plajt."

Tkab'k'alin kyajlaj Totx'il. Kb'inchetil tjun majtl aju tajlal totx'il :|| · junplaj te kawb'il il, toj tajala Tq'ob' kawb'il :||| – ÷ :|| twitz Ttxu Kwab'il te Paxil ex kyjel ikyju lu:

"ttotx'il :|| · junplaj. B'inha'b'il u'j mya' toj tumel tib'aj meb'ayil. Aju aq'una twitz tnam qa b'intil tu'n, kb'inchetil u'j tu'n, ma kxel ttziyin ex kyajb'el junjun u'j tu'n mya' b'a'n kyten, ma qa tu'j jun b'o'tz k'wal, ma qa jun tumel ntzaj tqanin kawb'il toj tumel meb'ayil jun xjal, kjpetil qaq ma laj ab'q'i ex kchojil kab'k'al laj ma jwe'k'al pim pwaq."

Tkab'k'alin jwe'laj Totx'il. Kb'inchetiltjun majtl aju tajlal totx'il |||
· junplaj te kawb'il il, toj tajala Tq'ob' kawb'il :||| - : :|| twitz Ttxu
Kawb'il te Paxil ex kyjel ikyju lu:

“ttotx'il ||| · junplaj. K'ayb'il toj qk'uj ma ttz'umil qxmilal mya' toj
tumel.

Alkye ma ten toj k'ayb'il ma ewil ex ajb'en toj qk'uj ma ttz'umil
kxymilal xjal izt'qe ma kye kymini, kjpetil jwe' ma jal ab'q'i.”

Tkab'k'alin qaqlaj Totx'il. Kb'inchetil tjun majtl aju tajlal :0. Te
tajlal totx'il Jun te kawb'il il, toj tajala Tq'ob' kawb'il :||| - : :||
twitz Ttxu Kawb'il te Paxil ex kyjel ikyju lu:

“:0. Tu'n yajb'il; qxmilal, qnab'il ma qwitz. Aju tnejel tziyb'il
ipumalj tib'aj jun xjal ma tib'aj jun tixti'. Atzun tkab', xob'san jun
xjal ex tkyaqil tixti' noq tu'n t-xob' twi' jun xjal, nkub' yupj t-xim
xjal ma ttab'il xjal tu'n tpoq'chaj t-xim noq tu'n tpaj yol ma t-xi'
q'um'an te jun juntl xjal, se'n toj tumel ma kub' yajin ex ma tz'ex
b'aj tib'aj, nkub' xq'uqil q'achq'al, nkub' ewin, nkub' yajin toklen,
nkub' yajin noq tu'n at jun noqelin te, sb'u'n, ma tu'n mya' b'a'n yol
xi' q'uma'nte, nkub' jpun tumel pwaq te tu'n tanq'in. Kb'el ximit qa
at yajb'il nab'il ex qa at watl ma qa mixti' jun tumel, se'n qa aju xjal
ma tz'ok b'inha'nte ma qa ma kub' tkanb'an.”

Tkab'k'alin wuqlaj Totx'il. Kmujb'etil tuk'il kawb'il il, toj tajala Tq'ob' kawb'il :||| – ÷ :|| twitz Ttxu Kawb'il te Paxil ex kyjel ikyju lu:

Ttotx'il Tkyajin. Qa aju il b'inja'n kye k'wal toj aq'untl ch'ux twitz kychwinqilal ex iq'in jun ka'yb'il kyu'n kye k'wal mixti' kyij tok, ma qa aku' tilb'ilal kyxmilal, ma te juntl xjal ma telil yaq'on jun ne'x, ma qa tx'ixpul jun ne'x, ma qa tx'ixpul tten jun u'j, meb'ayil jun ne'x mya' b'a'n tumel, kyaqil qe lu, ilqe toj tumel kawnb'il tib'aj sb'uyb'il xjal ex atzun tz'eywitzb'aj kb'ichetil toj b'a'n tumel.”

TJWE'YIN TNEJ

B'INCHA'B'IL CHOJB'IL IL TIB'AJ SB'UYB'IL XJAL

Tkab'k'alin wajxaqlajTotx'il. Onil yajb'in xjal. Aqe xjal kchi chojil il tib'aj yajb'il xjal, ilti'j tu'n tkub' kyq'o'n q'anb'i xjal ma toq ky'ixb'i kyu'n tu'n tanjtz ti'j t-xmilal, ttab'il ex tpwaq, b'anqa mixti' sokszt qnanin xjal aju ky'ixb'ini. Alexqe onb'il lu, chi jelb'ant aj tchjet il. Atzun onb'il kxe'l kye xjal ttzikyxjal ma b'aj b'yonqa ma kyib'.

Tkab'k'alin b'elajlajTotx'il. Onil yajb'in xjal. Tu'n t-xi' qanin junjun yek'b'il il se'n tq'uma'n kawb'il lu, aju ajkawil ok kyokil tq'o'n toklen xjal ma kub' yajin tu'n t-xim tu'n tonit.

Toxk'alin Totx'il. Taq'unanjtz Kwab'il tib'aj Taq'wux xim tib'a'j Yajb'il xjal. Tib'aj xim tu'n tb'inchet xpich'b'il ex ka'yil tumel il tib'aj yajb'il xjal, kb'inchetil tumel tib'aj taq'wux xim ti'j yajb'il xjal, se'n tumel, tb'eyil tu'n t-pich'it ex chojb'il il, aqe junjun tumel se'n kolb'il junjun xjal q'o'l tqanil ex tumel junjun xjal b'ajsal toj kawb'il tib'aj Taq'wux xim tib'a'j Yajb'il xjal, toj tajlal tq'ob' kawb'il · · – | §| te Ttxu Kawb'il twitz Paxil.

Toxk'alin jun Totx'il. Q'olte tten il tib'aj Yajb'il xjal. Aju q'olte tten il qa ma tz'ok tb'inja'n tib'aj yajb'il xjal se'n tku'x toj kawb'il lu, se'n qa aku' xjal ma qa juntl, kxe'l q'o'n toj tq'ob' kawb'il tib'aj kuxi'x.

TQAQIN TNEJ

KOLB'IL XJAL MA TZ'ELWI YAJB'IL JUN XJAL TU'N.

Toxk'alin kab' Totx'il. Taq'unab'il Kawb'il. Tu'n kolit xjal machi elwinte yajb'il, ok b'inchetil toj tumel se'n tq'uma'n toj tajlal Tq'on kawb'il : ||- ð·||| te Ttxu Kawb'il twitz Paxil, aju Kawb'il tib'aj Kolb'il xjal aqe nchi onin ex kye xjal aqe ma chi ten ka'yil il.

Toxk'alin ox Totx'il. Kawb'il nchi aq'unan tib'aj. Aju Ttxu Nejenel ex aju Ttxu Ka'yil tnam ex tuk'il Ttxu Kawb'il twitz tnam, ilti'j tu'n tkub' kyb'icha'n, kynuk'un ex kyaq'unan junjun tumel aju jjob'il kye kyxjalil yajinqe ex kyxjalilqe onil tib'aj il, qu'n pon il kyij' ex ti'jxi tumel tu'n tnuk'et ex taq'unanjtz aq'untl tib'aj kolb'il ti'j jun xjal ma tz'elwi yajb'il tu'n, kyuk'il junjun k'loj xjal ex twitz junjuntl Nimaq tnam.

Toxk'alin kyaj Totx'il. Kolb'il xjal onil ex kye junjuntl xjal. Qa twitz aq'unb'elte xpich'b'il tib'aj yajb'il xjal, aqe ajkawil ma tz'el kyniky' ti'j t-xjalil ky'ixb'ini, ilti'j tu'n kyjyon ti'j jun xjal qa at kyten tuk'il ky'ixb'ini ex tu'n tkub' q'o'n toj kolb'il se'n tq'uma'n Tajlal Tq'ob' kawb'il : ||- ð·||| te Ttxu Kawb'il twitz Paxil.

Aju xjal kjel tjaq' kolb'il tzmaxi' kjel tzaqpin aj t-xi' ka'yin qa b'a'n tten.

Qa aju xjal nkolinjtz at toj juntl nim tnam, aqe xq'uqil ilti'j tu'n t-xi' kyq'o'n tqanil kye xq'uqil te juntl tnam, qu'n ate xjal lu, toj tkuwil tu'ntzun tb'ant kolb'ilkye.

Toxk'alin jwe' Totx'il. Ojqel Tqanil. Aju xjal ky'ixb'ine ex aju xjal ma ka'yinte tib'aj yajin at kyoklen tu'n t-xi' kyq'o'n ojqel tqanil kye kytziky ma qa kye qe xjal nkub' kyximin qa b'a'n tu'n t-xi' kyq'uma'n tqanil.

Toxk'alin qaq Totx'il. Chitpul. Aqe chitpub'il tqanil kyu'n xjal kb'antil noq toj jun b'ib'il toj tq'ijala qa ikyju in ojqelin. Nxi' ninchet tumel lu, qa aju xjal q'ol tqanil at toj juntl nimin tnam ma qa tu'n kolb'ilte.

Tkyaqil tumel mla'y tz'elwi aju xjal tu'n k'wal yajin ex tu'n xjal ma yajin.

AQE TUMEL ATE'

Toxk'alin wuq Totx'il. Nuk'ul tten Jamik'ob'il
tib'aj Yajb'il ex Sb'uyb'il xjal. Jamik'ob'il
tib'aj Yajb'il ex Sb'uyb'il xjal ilti'j tu'n tkub'
kyb'inja'n jun nuk'b'il tten aq'untl toj oxk'al
laj q'ij aj tok toklen kawb'il lu.

Toxk'alin wajxaq Totx'il. Tpwaqil. Ok kyokil token aju Ttxu Pwaqb'il twitz Tnam tu'n tkub' tb'inha'n jun tumel pwaq toj u'j te ka'yb'il pwaq | 𐌌 |, ex mya' b'o'tz twitz jwe' k'lojpimpwaq, tu'n t-xi'qe taq'unan Jamik'ob'il tib'aj Yajb'il T-xmilal ex Sb'uyb'il xjal, qu'n aju k'loj xjal ok ka'yil tu'n taq'unet kawb'il lu. Toj tu'jil pwaq kjel jun pwaq te onb'il xjal ky'ixb'ini se'n tq'uma'n kawb'il.

Toj tumel onb'il te xjal ky'ixb'ini se'n toj tumel kawb'il lu, ok kyaq'unetil tu'n jamuk'ob'il xjal lu, toj tumel nuk'b'il aq'untl.

Aju tumel pwaq te kawb'il lu, at tu'n ttzaj toj junjun chojb'il ntzaj q'o'n toj jun tnam.

AQE MANKB'IL TUMEL

Toxk'alin b'elaj Totx'il. Kb'inchetil. Ok
b'inchetil aju tajlal ex kyb'i Tkab' Tnej, Toxin
ex Tkyajin Tnej te Toxin Tb'i te Tkab' U'jb'il
ex qe ttotx'il :|, te tb'elajin ttxolil atzun ja'
tq'uma'na "aq'unab'il te yajb'il t-xmilal xjal",
:| |||, :| ·|||, :| :|||, :| :|||, :| :|||, :| :|, :| :|, :| :| : aj
tpon b'aj :| :|, :| :||, || ·||| ex || :||| toj tajlal
l Tq'ob' kawb'il :||-: :|| te Ttxu Kawb'il twitz
Paxil, Tajlal Chojb'il Il.

Toxk'alin laj Totx'il. Tokil Toklen. Aju
taq'unanjtz kawb'il lu, ok kyokil toklen matoq
tz'ik jwe'laj q'ij tezt q'uma'n toj u'j twitz nim
Tnam

CHI PON LAQEYE TWITZ TTXU
KAWB'IL TIB'AJ CHOJIL TIL, TIB'AJ
TZIYB'ILTE EX TIB'AJ TQANIL.

B'inja'mitz toj Ninja te kawb'il twit
Tnam Paxil, toj wajxaqlaj qi'j te tkab'
xjaw te ab'q'i | 0 ∴|



